


ნიუსგონი

8
1981


ISSN 0132-6015
ეროვნული
ბიბლიოთეკა

საპარტიველოს სსრ მშენებლობის სამინისტრო ყოველწლიურად თავისი
შემკვეთების საერთო რიცხვის 55 პროცენტს გვამებს უფუშავს.



ნ.ა. ჯ. ლოლასი

— რა არის ეს?! რას იტყვის შეშვებითი?!
— კაბინეტი მე მოვუწყვეთ, გატონო, და ახი თვითონ იზრუნოს!..



მას აქვთ, რაც ერთმანეთი გააცი-
ცანით, მდინარე აჭყვამ შავ ზღვაში
ბევრი წყალი ჩაიტანაო, რომ ვთქვათ,
მართალი არ ვიქნებით, რადგან
საბრალო აჭყვა კარგა ხანია ზღვის
სანაპიროდან ორი კილომეტრის და-
შორებით არის გადაგდებული მდინა-
რე კინტრიში და, აი, უკვე მერამდენე
წელია, ელოდება თავის კალაპოტში
დაბრუნებას! საამისოდ კი თქვენდამი
რწმუნებულ რაზმს მთელი რიგი სა-
მუშაოები უნდა შეესრულებინა. ახლა
ნამდინარეებში ჭუჭყიანი გუბებები
დგას და, როგორც „კავგიპრო-
ტრანსის“ საპროექტოდან გვწე-
რენ „...აჭყვას ძველ კალაპოტში გამ-
დინარე წყალი შეიძლება იყოს მხო-
ლოდ წვიმის დროს ან წყალდიდობის
შემთხვევაში“ (სტილი დაცულია). ასე
რომ, საქმე იქამდე მიდის, კოკისპი-
რული თავსხმა და წყალდიდობა მდი-
ნარე აჭყვას სანაპიროზე მცხოვრებთ
სანატრული უხდებათ. თორემ კარგი
ამინდი თუ დაიჭირა, მოგეცათ ლხე-
ნა, რა ანტისანიტარია იმეფებს ნამ-
დინარეებში! განვლილი წლები, მრავ-
ალნაირი ციფრები, ტრესტები, სამ-
მართველოები, საპროექტოები, მცურ-
ავი თუ ფეხოსანი რაზმები ერთმანე-
თში რომ არ აგვერიოს, ვეცდებით,
რაც შეიძლება ნაკლებად მოვიხსენი-
ოთ ისინი. ამასთან ერთად, ქობულ-
ეთში, ლენინის ქუჩაზე, მდინარე
აჭყვას კალაპოტზე გადებული ძველი
ხიდი რომ აქლემის კუზივით აუშნო-
ებს ამ შესანიშნავ, ლამაზ საკურორ-
ტო ქალაქს, ამაზე, რა თქმა უნდა,
დამეთანხმებით! მარტო რომ აუშნო-
ებდეს და ხელს არ უშლიდეს ქალაქის
ყოველდღიურ ცხოვრებას, ადგილობ-
რივ მცხოვრებლების, დამსვენებლე-
ბის თუ გამგლევი ტურისტების სა-
მართლიან მოთხოვნებს რომ აკმაყო-
ფილებდეს, სიტყვასაც არ დავძრა-
ვდით, საშვილიშვილოდ შემოვიწინა-
ვდით „რელიკვიად“ და თაყვანისმცემ-
ლებსაც მოვუძებნიდით, მაგრამ...
ძველი ხიდი ხიდადვე რჩება, ლენინის

ფართო ქუჩას ავიწროებს, ხშირად
ფერხდება მოძრაობა და, რაც მთავა-
რია, მიუხედავად რაიონის ხელმძღვა-
ნელობის მრავალნაირი პროფილაქ-
ტიკური სამუშაოს ჩატარებისა, აქ
ავტოავარიები უცხო ხილიარარის! —
ბევრი დაუმწუხრებია ამ ადგილზე
მომხდარ უბედურ შემთხვევებს!..
ვინრო ხიდმა ჩვენც შეგვაგინროვა.
წინსვლის საშუალება არ მოგვცა და.
ქობულეთის გავლით, ფოთში მიმავ-
ალნი, იძულებულნი გავხდით, ბა-
თუმში დავბრუნებულიყავით, სადაც
აუშკინის ქუჩაზე მდგარი №124 სახ-
ლის პირველ სართულზე გაკრული
აბრა ნავიკითხეთ:
სსრკ სატრანსპორტო მშენებლობის
სამინისტრო
საზღვაო-სამდინარო მშენებლობის
მთავარი სამმართველო
ნოვოროსიისკის საზღვაო მშენებ-
ლობის ტრესტი
მცურავი სამშენებლო-სამონტაჟო
რაზმი № 20.
ჰოდა, თქვენს სამუშაო კაბინეტში
ჩვენს შორის გულახდილი, საქმიანი
საუბარი გაიმართა.
— აღნიშნული სამუშაოს გაჭიანუ-
რებისათვის ქობულეთის რაიონის
ხელმძღვანელობამ, გასულ წელს,
პარტიულ კონფერენციაზე პირადად
თქვენ გაგაკრიტიკათ. რას იტყოდით
ამის შესახებ? — შეგვეკითხეთ ჩვენ.
— ეობულეთის რაიონის პარტიუ-
ლი ხელმძღვანელობის კრიტიკა სავ-
სებით სამართლიანია, — გვიპასუ-
ხეთ, — მაგრამ ჩვენც გვაქვს ზოგი-
ერთი ობიექტური მიზეზი, დასძი-
ნეთ. მიზეზი პირველი: ...ამ ობიექტის
დანყებას ჯერ კიდევ 1977 წლის გეგ-
მა ითვალისწინებდა, მაგრამ სამუ-
შაოს დანყება არ ხერხდებოდა მდ.
აჭყვისა და მდ. კინტრიშის შემაერთე-
ბელი არხის მშენებლობის დამთავრე-
ბის გაჭიანურების გამო.
სიტყვა გაჭიანურება დოკუ-
მენტებში ხშირად გვხვდება და, უმე-

ტესად, თქვენი მისამართით არის
ნახსენები.

ისიც უნდა ითქვას, რომ „კავგიპ-
როტრანსის“ საპროექტომ პროექტი
ორჯერ შეადგინა. განა არ შეიძლე-
ბოდა, იმთავითვე ყველაფერი გათვა-
ლისწინებული ყოფილიყო პირველ
პროექტში, რაც მეორეში გაკეთდა?
რა თქმა უნდა, შეიძლებოდა, მაგრამ
ამაში ის არის დამნაშავე, ვინც არ
იცოდა, თუ რამდენი წყალი გაედინე-
ბოდა ორივე მდინარეში წყალუხვო-
ბის დროს.

ზოგჯერ ასეც ხდება: მარჯვენამ არ
იცის, მარცხენა რას აკეთებს!

პატივცემულო ოთარ! ზღვამ უნდა
იღვლოს. წვიმამ უნდა დაგვასვე-
ლოს, სიცივემ თბილი პალტო უნდა
ჩაგვაცვას, ქარმა ყურებიანი ქუდი
უნდა დაგვახუროს, მაგრამ მცურავმა
რაზმმა (ისიც ნომერმა ოცმა) უნდა
იცუროს და, რაც მთავარია, საქმე
აკეთოს!

მინდა, თქვენი ყურადღება ერთ-
ერთი დოკუმენტიდან ამოღებულ აბ-
ზაცს მივაბყრო: „...საჭიროა აღინიშ-
ნოს, რომ როგორც „ნოვოროსიისკ-
მორსტროის“ ტრესტი, ისე მისი № 20
მცურავი რაზმი (უფროსი ო. ი. ნო-
დია) ქ. ქობულეთში მიმდინარე სა-
მუშაოებს მეორეხარისხოვან მნიშვნე-
ლობას ანიჭებენ — ობიექტებს ვერ
უზრუნველყოფენ სამშენებლო კონსტ-
რუქციებით, მასივებით, სამშენებლო
მასალებით, მცურავი საშუალებებით
(100-ტონიანი აშწე „ჩერნომორეცით“)
და სხვ.“

ახლა ერთი თხოვნა გვაქვს: თუ
შეიძლება, ამ წერილის მოკლე შინა-
არსი რუსულ ენაზე თარგმნეთ და
ნოვოროსიისკის საზღვაო მშენებლო-
ბის ტრესტს გაუგზავნეთ, თუ არადა,
შევეცდებით. ეს საემე ყურნალ „კრო-
კოდლის“ საშუალებით მოვაგვაროთ.

ნება მიბოძეთ, წერილი თქვენი ახს-
ნა-განმარტებითი ბარათიდან მოტანი-
ლი სიტყვებით დავამთავროთ (თანაც
შეგახსენოთ, რომ ჩვენ თქვენთან
გასული წლის დეკემბერში ვიყავით):
„...მართალია, ზამთრის პერიოდში,
როდესაც მოსალოდნელია შტორმები
ზღვაზე და მნიშვნელოვანი წვიმები,
რაც უთუოდ გააძნელებს მდინარეში
მუშაობას, ვეცდებით მუშაობა გავაგ-
რძელოთ და დავაჩქაროთ იმ ანგარი-
შით, რომ კონსტრუქციების მონტაჟი
და ობიექტი მთლიანად დავამთავ-
როთ 1981 წლის ზაფხულში...“

გისურვებთ შრომით წარმატებებს
თქვენ და თქვენთან ერთად მოცურა-
ვე სამშენებლო-სამონტაჟო რაზმს!

„ნიანგის“ დავალებით
ჟანი სიხარულიძე

P. S. ამ ფოტოსურათს სამახსოვ-
როდ ვბეჭდავთ. თქვენი და თქვენი
რაზმის წყალობით იქნება ისე გადა-
კეთდეს და დამშვენდეს ეგ ადგილი,
რომ მოსაგონებლად ესლა დაგვრჩეს!

ჩვეულებრივი დიალოგები

მოსახელი
ჩვეულებრივ ქალაქში
ანუ
კონცერტი ღია სცენაზე


— შევავსეთ ხელით! ინებეთ! გელით!
წარმოდგენაზე გინვეთ. ბატონო!
(დალახვროს ღმერთმა! — რის
წარმოდგენა?! —
გასვენებაა ეს უპატრონო!)
არა გვაქვს ფარდა! გვყავს
რეჟისორი, —
აგერ რომ ყვირის! თავი კაცია!
არავითარი ბომბარდირება!
არავითარი ავიაცია!
ვის რამდენი სურს, იმის მიხედვით!
ვის რამადა აქვს, ან სისქე ჯიბის!
(იმ კაცს, ხუთ თუმანს რომ
ატრიალებს,
უხარია, რომ ვილააცას ჯაბნის!)
— მიირთვი, შესვი, რამდენიც
გსურდეთ!
ხომ ხედავთ, სუფრას ბოლო არ
უჩანს?!
რის მორიდება?! თუ გნებავთ,
მთხოვეთ,
ახლავ მოგართმევთ ახალ ალუჩას!
— ტირიან?
— ჩუმად! დაღვრემილ სახით
გამოემართა ჩვენკენ ანტონი!
— შავი აცვია?
— გგონია, გლოვობს?
— ისე აშენდა მაგის პატრონი!
— ჩვენთან კი არა, სულ სხვა გზით
მიდის,
იქ, სადაც კაცი შემოსულს ითვლის!
— მოიგო?
— როგორ კადრულობთ?! ხუმრობთ?!
გადააჭარბა მილიონს თითქმის!
„მთავარი გმირი“ ასპარეზს ტოვებს,
გამოაქვთ ბავშვებს ყვავილთა გროვა,
შეჰკვივლა რძალმა, მიჩუმდა ხალხი!..
— ახლა იწყება ნამდვილი გლოვა!
— გლოვა?! რის გლოვა?! ასეა წესი,
თორემ ისედაც ხომ ვიცით ბევრმა,
სწორედ ემაგათ აუგეს წესი, —
გამოასალმა სიცოცხლეს გერმა!
ჩამოასვენეს კიბიდან კუბო.
ვიღაც ხმამაღლა კითხულობს
„უსტარს“!

— ვერ ჩამოსულა?
— ჰო, მართლა, მაგის
უფროსი ბიჭი ვერ ტოვებს რუსთავს!
— ცდებით, ბატონო! შემოსავლიდან
წილს არ აძლევენ, ამიტომ დარჩა!
— შემოაყოლეს ფარდებზე თალხი?
— არა, უბრალოდ შეღებეს ფარჩა!
— მიასვენებენ მოუსვლელ გზაზე!..
— ვერასდროს ველარ მოვა, ბატონო!
— ბოლომდე გინდათ დაესწროთ
საპეტაკლს?
— გასვენებაა ეს უპატრონო!..

თეიმურაზ ლანჩავა
(ქ. ქუთაისი)

ნახ. ბ. ლომიძისა

„ფრიაღვა“ რომ არაფერი ვთქვათ, შემცირდა
„კარგი“ შეფასებით მიღებული სახლების რიცხვი.
განსაკუთრებით ცუდად სრულდება ასანყოფი რკინა-
ბეტონის კონსტრუქციების დამონტაჟების საქმე-
ები.
გაზათაშია



არ გაჭრათ ვაგ ლენტს კარ ფანჯრები უჭირავს!




როცა ვუშურავ მასივებს, რაღაცა გულზე მასივებს:
ასი სახლი დგას მასივში, ჩამი მგონია ასივე!

ეპიკური საზონოვის მოლოდინები

- თუ კაცს იუმორის გრძობა არა აქვს, იმის გრძობა მაინც უნდა ჰქონდეს, რომ იუმორის გრძობა არა აქვს!
- ვინმეს თუ სიტყვა მივეცი, ეს იმას ნიშნავს, რომ მე იგი უკვე აღარ მეკუთვნის!
- ჩვენ ცვალებად სამყაროში ვცხოვრობთ! — თქვა ეპიკური საზონოვა და ბოძზე განცხადება მიაჭედა ბინის გაცვლის თაობაზე!
- კომედიების სანახავად მაშინ დავდივარ, როცა სიცილისაგან მიწა დავისვენო!

„ლიტერატურაზე გაზეთი“



— გვყავდა ჩვენ აქ დირექტორი, მაგრამ ასე არ გვანახებდა სამსახურის საქმეებით! გოლოს და გოლოს, მოგვეცით ამოსუნთქვის საშუალება!

მას შემდეგ, რაც თბილისში, პავლოვის ქუჩაზე მდებარე ბაღში ძაღლები საგრძნობლად მომრავლდნენ, აქ მოსეირნე ხალხი ორ მტრულ ბანაკად გაიყო: ძაღლიანებად და უძაღლოებად. ძაღლიანები, ძირითადად, ბაღის მარცხენა მხარეს იკრიბებიან; აქეთ ლამაზი მდელო და ძაღლებისათვის ლაღად სარბენი ადგილია. მარჯვნივ, შადრევანთან, უძაღლოები არიან მიყუჟულნი. ამ დაჯგუფებებში დიალოგებიც ცაბა და დედამინასავით განსხვავდებიან ერთმანეთისაგან:

— ეს ძაღლი რომ არ მყავდეს, დიდი ხანია, ინფარქტი დამემართებოდა! — ამბობს ჩახუჩებული პროფესორი და თავის დობერმან-პინჩერს გატიტკინებულ ზურგზე უსვამს ხელს. — გინდა თუ არა, დღეში სამჯერ მაინც უნდა გამოვიყვანო სასეირნოდ, ძაღუნებურად შენც სუფთა პაერზე ხარ, მოძრაობ! ეს კი მთავარი ყოფილა ჯანმრთელობისათვის! ჯერჯერობით, არაფერს ვუჩივი!

— ჩემი ჯერომიც სამჯერ გამომყავს დღეში! ისე კი, ოთხჯერ აჯობებდა, მაგრამ მეტს ვერ ვიცილი! — სათნო ღიმილით თქვა შუახნის სიმპატიურმა ქალმა და თავის ფოქსტერიერს ყელსაბამი შესხნა. — ჯერომ, გულიაი! გულიაი!

ჯერომი გაიქცა... უძაღლოთა ბანაკში კი აღშფოთებამ და ჩოჩქოლმა იმატა:

— არ გაძალდა აქაურობა?! — ამბობს სათვალისანი ინტელიგენტი, — რამ გადარია ეს ხალხი ამ ძაღლებზე?

— უყვარდეთ, ბატონო! — ჩაერია ლაპარაკში შუახნის დარბაისელი კაცი, — მაგრამ ეს ბაღი რომ ძაღლების საზოგადოებრივ ტუალეტად აქციეს, ამას ვერ ვურიგდები! ანტისანიტარიის ბუდედ ნუ აქცევენ ბაღს!

— ბატონო, ბავშვი ვერ გამოიშვია ბაღში მარტო! სკოლაში ვერ წასულა, ამათი გადამკიდე! დაძრწიან ეს ძაღლები უალიკაოდ! ბავშვს რომ უკბინონ, ვის მოვთხოვო პასუხი?! რომ არ უკბინონ, ისეც გადარევენ ბავშვს შიშით! აღარ არსებობს აღარც წესი, აღარც კანონი?! — განინმატდა სამი ბავშვის მშობელი.

ხანდახან ეს ორი დაჯგუფება შორიდან



ჩვენ და „ჩვენი პეიჯე ქვევი“

გამოელაპარაკება ხოლმე ერთმანეთს. საუბრის თემა ისევე ძაღლებია:

— რა ჯიშისაა ჩიპო? — ვითომდაც გულბრყვილოდ კითხულობს უძაღლოთა ბლოკის წარმომადგენელი, თუმცა მშვენივრად იცის, რომ ჩიპოს გენეალოგიაში თვით უფალი ღმერთიც ვერ გაერკვევა.

— არაფერი ჯიშის არ არის ჩიპო! — ალბათ, უკვე მეათასედ, ამბობს უჯიშო ძაღლის გაბრაზებული პატრონი.

— ბატონო დომენტი! ეს ის ძველი ძაღლია, თქვენ რომ გყავდათ, თუ ახალი? — ეკითხება ვიღაცა დობერმან-პინჩერის პატრონს.

— არა, კაცო! ის ხომ მოკვდა! ისიც ამ ჯიშისა იყო, თორმეტი წლისა მოკვდა! აი, ძაღლი ის იყო, თუ იყო!

ასეთი ირონიული, მაგრამ მშვიდობიანი გადალაპარაკება თანდათან სულ უფრო იშვიათი ხდება. მდგომარეობა ორ ბანაკს შორის საოცრად იძაბება, და, საცაა, იფეთქებს კონფლიქტი!..

— ე, უშველეთ თავს! რიჩარდი მოდის! იკვილა ძაღლების მოძულე ინჟინერმა. მართლაც, ბოლო ბილიკზე ბაღის რისხვის — ავჩარკა რიჩარდის ვეება ფიგურა გამოჩნდა. ყველანი კუთხეში მივიყუშეთ!.. ამჯერად გადავრიჩო! — რიჩარდს ჩვენთვის არ მოუქცევია ყურადღება: თავისივე ჯიშის ძაღლს აუდევნა!

— ერთი რამე მოვიფიქრე, ძმებო და მეზობლებო! — დინჯად დაიწყო მოხუცმა მათემატიკოსმა, მრგვალი სახის, ზომიერი ღიპისა და მხიარული გამომეტყველების მელოტმა კაცმა, — რაღაც სკოლა ყოფილა ოთხთვიანი, სპეციალურად ძაღლებისათვის, სამასი მანეთი უნდა, თურმე, ამდენი ხალხი ვართ, შევაგროვოთ ეს ფული, პატრონს ვურჩიოთ, — არ გიჯობს. განვრთინილი ძაღლი-თქო?! დაგვეთანხმება, ალბათ. თუ მთლიანად არა, ოთხი თვე მაინც გაეთავისუფლდებით ამ ძაღლებისაგან!

წინადადება ერთხმად იქნა მიღებული, ფული სასწრაფოდ შეგროვდა. რიჩარდი სკოლაში უგამოცდოდ მოხვდა, სამი თვეა, რაც ამოისუნთქეს მეზობლებმა, ნაწილობრივ — ბაღში მოსეირნებამაც. მაგრამ, ვაი, რომ სწავლების ვადა იწურება, და, ერთ თვეში, რიჩარდი დაბრუნდება!.. თუმცა, იმედი მთლად არ დაგვიკარგავს: მათემატიკოსი უკვე ეძებს ძაღლების ახალ უმაღლეს სასწავლებელს. მეზობლებიც ისეთი მონდომებით ემარებიან, რომ, შეიძლება, დისერტაციაც დააცვევინონ რიჩარდს, ოღონდაც სახლში ნუ დაბრუნდება!..

— ეჰ, თქვენ ბევრი ხართ და, რიჩარდს რაღაცას უშველით! — თქვა ნაღვლიანად მოპირდაპირე სახლში მცხოვრებმა სათვალისანმა კაცმა, — მაგრამ ჩვენ რა ვუყოთ ბიძს, ჯიშს, დიკს, ჯერომს, მიკის და მისთანებს?! მარტო ჩვენს სახლში ოცამდე ძაღლია!..

— ჰყავდეთ, ბატონო, ეს ძაღლები! — გაიმეორა შუახნის დარბაისელმა კაცმა, — მაგრამ ჩვენი ნერვების ხარჯზე ნუ იქნება ეს ყველაფერი! დაიცვან ცხოველების ყოლისა და მოვლის წესები! ნუ ააოხრებენ აქ ყველაფერს, ნურც მეზობელს შეანუხებენ! ნუ გადაშირევენ ბავშვებს და ჩვენც არ ამოვიღებთ ხმას! ასეთი დიალოგები იმართება ყოველ დღეს და საღამოს პავლოვის ქუჩაზე მდებარე ბაღში.

აქ მომსვლენები შენუხებულნი შეპყურებენ ძაღლების თავამებულ თარეშს, და, არავინ უწყის, რით დამთავრდება ეს დიდი კონფლიქტი!

აგუნია ლეკვინაძე



პანსიონატ „მანინჯაურში“ დასვენებისათვის არავითარი პირობები არ არის შექმნილი! — სწერდნენ რედაქციას.

პროფკავშირთა საქართველოს კურორტების მართვის რესპუბლიკური საბჭოდან, სადაც წერილი შესასწავლად და ზომების მისაღებად გადაგზავნეთ, შეგვაგვყობინეს, რომ წერილში მოყვანილი ფაქტები დადასტურდა.

პანსიონატ „მანინჯაურში“ მართლაც იყო შეფერხებები სურსათით მომარაგებასა და კულტმასობრივ მუშაობაში.

სუსტი მუშაობისათვის პანსიონატის მთავარი ექიმი დ. გაბუღია გათავისუფლებულია თანამდებობიდან.

რედაქციაში გამოგზავნილ წერილში ამხელდნენ ნაკლოვანებებს ლაგოდენის სამგზავრო ავტოსადგურის მუშაობაში.

საქართველოს სსრ საავტომობილო ტრანსპორტის სამინისტროდან რედაქციას აცნობეს, რომ წერილში მოყვანილი ფაქტები შემოწმებით დადასტურდა.

მუშაობაში დაშვებული შეცდომებისათვის, მგზავრის კანონიერი მოთხოვნის იგნორირებისა და შემოწმებული პირისათვის ბილეთის შექმნისას სურდის დაუბრუნებლობისათვის მოლარე შ. სარქისოვა დათხოვნილია სამუშაოდან.

დაბალი საშემსრულებლო დისციპლინის, სადგურის მუშაობაში არსებული სერიოზული დარღვევებისათვის სამუშაოდან გათავისუფლდნენ სადგურის უფროსი ვ. მეტრეველი და მოლარე რ. გაბაგაძე. კონტროლიორებს ს. გოგოლაძეს და უ. პოდოსოვს გამოეცნადათ სასტიკი საყვედური.

ონის რაიონის სოფელ ბარიდან რედაქციას მოსწერეს, სოფლის მოსახლეობის საავტობუსო მომსახურება სათანადო დონეზე არ დგასო.

სახალხო დეპუტატების ონის რაიონული საბჭოს აღმასკომიდან, სადაც აღნიშნული წერილი გადაიგზავნა, გვაცნობეს: წერილში მოყვანილი ფაქტები სინამდვილეა, მაგრამ, საქმე ის არის, რომ ონის რაიონში, მთიანი და რთული რელიეფური პირობების გამო, სერიოზული სიძნელეებია შექმნილი სოფლებში საგზაო მშენებლობისა და მოსახლეობის სატრანსპორტო მომსახურების თვალსაზრისით. ამასთან რაიონის მთიან სოფლებში საგზაო მშენებლობის საკითხები ფართოდ იქნა გათვალისწინებული საქართველოს კპ ცენტრალური კომიტეტისა და საქართველოს სსრ მინისტრთა საბჭოს 1979 წლის 20 ივნისის დადგენილებაში — „1979-85 წლებში ონის რაიონის შემდგომი ეკონომიკური და სოციალური განვითარების დონისძიებათა შესახებ“, რითაც საქართველოს სსრ საავტომობილო გზების სამინისტროსა და ონის რაიონის სახალხო დეპუტატთა საბჭოს აღმასკომის ძალეებით 1980-88 წლებში უნდა მოხდეს რაიონის სოფლების 60 კმ სიგრძის საავტომობილო გზების რეკონსტრუქცია.

ონის რაიონული საბჭოს აღმასკომის საგზაო-საწარმოო უბანმა, 1977-78-79 წლებში, ბარის სასოფლო გზის კეთილმოწყობისათვის 58,666 მანეთის სარეკონსტრუქციო სამუშაოები შეასრულა. მიუხედავად ამისა, ბარის სასოფლო გზა, მთიანი და რთული რელიეფური პირობების გამო, რაიონული საბჭოს აღმასკომის მიერ გამოყოფილმა კომისიამ არ მიიჩნია შესაძლებლად საავტობუსო

მოდრაობისათვის. მიმდინარე წლის მეორე კვარტალში რაიონული საგზაო უბანი კვლავ ჩაატარებს 9 ათასი მანეთის დამატებით სამუშაოებს, რის შემდეგაც, ზამთრის პერიოდის გარდა, უზრუნველყოფთ ავტობუსის დანიშვნას ბარის მიმართულებით.


ცყიბულის ზონის სოფელ კოკაში დაზიანებულია სასმელი წყლის მიღგაყვანილობა და ხიდები, ფერხდება ელექტროენერჯის მიწოდება და ქუჩების განათება არასტაბილურია! — სწერდნენ რედაქციას.

სახალხო დეპუტატთა ცყიბულის საქალაქო საბჭომ რედაქციას აცნობა, რომ წერილში მოყვანილი ფაქტები სინამდვილეს შეეფერება და მიღებულია ზომები მათი აღმოფხვრისათვის.

კერძოდ, გასულ წელს სოფელ კოკაში „საქმთავარენერგოს“ ცყიბულის საქსელო რაიონის (უფროსი ვ. ჯავახაძე) ბრიგადამ 1,5 კმ სიგრძეზე არასტანდარტული ელექტროსადენი სტანდარტულით შეცვალა, წესრიგშია მოყვანილი სატრანსფორმატორო პუნქტი, დაიდგა ახალი ენერგობოძები.

ორპირის სასოფლო საბჭოს ხარჯებში გათვალისწინებულია სოფ. კოკაში დაზიანებული ხიდებისა და ქუჩების განათების წესრიგში მოყვანის სამუშაოები. ისინი მიმდინარე წლის 1 ივნისამდე დამთავრდება, ხოლო ორპირის კოლმეურნეობის გამგეობას მიეცა მითითება — სოფ. კოკაში სასმელი წყლის მიღგაყვანილობის სისტემის წესრიგში მოსაყვანად.

ნახ. მ. აბაშიძისა



298
10.V
81



„ახლა იმპერიალიზმი როდი განსაზღვრავს საბოლოო ანგარიშით მსოფლიო განვითარების ნიშანსებებს“.

გაზეთებიდან

ნახ. ბ. ლომიძის

გაზეთადრინება

მხოლოდ მხირობენი განსხვავება...

ნიუ-იორკში, მედიკონ-ავენიუზე მდებარე პრესვიტერიანელთა ეკლესიის ქადაგს დევიდ რიდს „აღამიანთა ოჯახის“ საზოგადოებამ „წლის საუკეთესო ღვთისმსახურის“ წოდება მიანიჭა. ამ ღირსშესანიშნავი ღაქტის გამო გამართულ საზეიმო კრებაზე პრინსტონის უნივერსიტეტის ღვთისმეტყველების სემინარის ხელმძღვანელმა ჩეიმს მაკკორდმა განაცხადა: „რიდი არა მარტო გამორჩენილი მქადაგებელია, არამედ კაცია, რომელსაც აქვს დიდი საღვთისმეტყველო ცოდნაც. ასე, მაგალითად, მან დაადგინა, რომ სამოთხესა და ჯოჯოხეთს შორის არც ისე დიდი განსხვავებაა, რადგან ორივე თანაბარი მანძილით არის დაშორებული დედამიწის

პირს, თანაც ტემპერატურაც ორივეგან ერთნაირია. ხელმძღვანელობა მხოლოდ განსხვავებული. სამოთხეში პოლიციელებად ინგლისელები მსახურობენ, მზარეულებად — ფრანგები, ინჟინრები გერმანელები არიან, ადმინისტრატორებად — შვეიცარიელები, საყვარლების მოვალეობებს იტალიელები ასრულებენ. ჯოჯოხეთში კი გერმანელები პოლიციელები არიან, ინგლისელები — მზარეულები, ფრანგები — ინჟინრები, იტალიელები — ადმინისტრატორები, ხოლო შვეიცარიელები — საყვარლები. ესა და ეს“.

„ერნალი „ნოვოე ვრემია“



საბჭოთავი და იუგოსლავი
 შურნალი „ნიანგი“
 № 8 (1594). აპრილი
 გამომდის 1923 წ. ივნისიდან.

მთავარი რედაქტორი
 ჯაუზ ბოლქვაძე

სარედაქციო
 კოლეგია:
 ვაზუა ამირჯიანი,
 ნოგაი ბარბაქაძე,
 ზორის გურგულია,
 ნოდარ ლუგაძე,
 რევაზ თვალიაძე,
 ჯემალ ლოლუა,
 ნოდარ გალაგონია
 (მხატვარი-რედაქტორი),
 ვაჟან სინარულიძე
 (პახუხისმგებელი მდივანი),
 ალექსანდრე სამსონია,
 გიგლა ფირცხალავა,
 ჯანსუღ ჩარკვიანი,
 თამაზ წიგვიანი,
 ვაჟა ზანიშვილი
 (მთავარი რედ. მოადგილე),
 ნაფი ჯუსოიტი.

ტექნიკური რედაქტორი
 მიხეილ კახალაშვილი

გადაცვა ასაწივრებად
 23. 3. 81 წ.
 ხელმოწერილია დასაბეჭდად
 24. 4. 91 წ.
 ჰალალდის ზომა 70x108 1/2
 ფიზიკური ნაბეჭდი
 ფურცელი 2
 სააღრიცხვო-საგამომცემლო
 თაბახი 1,7
 საქართველოს კვ ცკ-ის
 გამომცემლობა
 ლენინის ქ. № 14,
 შეკვეთა № 889. უე 00686.
 ტირაჟი 150.950.
 შურნალი გამომდის
 თვეში ორჯერ.
 რედაქციაში შემოსული
 მასალები ავტორებს
 არ უბრუნდებათ.

ჩვენი მისამართი:
 380008, თბილისი-8, რუსთაველის
 პროსპექტი, № 42.
 ტელეფონები: მთავარი
 რედაქტორის — 93-62-04, მთ.
 რედ. მოადგილის — 93-19-42,
 პ/მგ მდივნის — 93-10-78, მხატვარი-რედაქტორის — 99-02-38,
 განყოფილებათა გამგებების —
 93-49-32, რედაქტორ-ლიტმუშაკე-
 ბის — 99-02-38, მდივანი-მემან-
 ქანის — 99-76-69.
 Сатирико-юмористический
 журнал «НИАНГИ»
 (На грузинском языке)
 Тбилиси, пр. Руставели № 42.
 Издательство ЦК КП Грузии
 Типография Издательства ЦК
 КП Грузии, Тбилиси, улица
 Ленина № 14.
 ფბსი 20 კაპიკი
 ინდექსი 76137